



[www.BibleForChildren.org](http://www.BibleForChildren.org)



Son 14



Sisas ai hoafiyupurühi yahuya, “Se ngusüfoambe  
hepünafundühi afindi hohoanimo-ndimboemo. Nga se  
Godimbo-animbo anihondümbö-ndüwuri. Asu se  
wambo amboani anihondümbö-ndundiri. Wandí Apendí  
worí ana fondi afind-ane. Nga roana sihamumbo fondi  
diboadifembo kameihi  
hahühühanahi.”



“Asu rani-moatükunî ra tikaimbe-mbonana, ro ngiri sihamumbo hoafiyahapuri. Ro nga sihamumbo fondi diboadondihe hiniŋgindihe heambo-animbo, asükainda sihamumbo sepurimindimbo kodamboyahi. Asu rananimbo se ngoafi ro amarihi ranihü se-amboani nimandimboemo.”



Ro sihei wandafi Son-anahi. Ro se-babidimbo  
ningombo asubusi Sisas-dibo asahumundi  
ra semindi mburumbo God nginindi

hifandarandi ranambe ningomboanahi.  
Sihiri munguambo nine



tingirifo afindi tukefeyo  
ra mam hiningirou  
nimboefimbo  
sahumindexuh-anehi.



Ro Godindi hoafi asu hoafi  
Sisas weindahi-mareandi ra  
bokamari-heheandamboyei


wambo hemafoari-hindira  
asu ro ha airan



Patmos-wami  
manimboahi.



Nimehünou Godindi Yifiafi Aboedi ranai wandi  
fiambefeyowohüyo asu adükari bogorindi nimarifondi  
sünambe hoeiriheandani, raniwami nindou mam  
didimbei ranai mamaru.



Raniyo himboriyahane, munguambo moatükunî  
sünambe engoro, hifî ndanihü engoro, hifambe ragu  
hoarehi engoro, asu munguambo  
moatükunî sirîwara-ambe engoro  
ranai rarihi heirüyeihi seiya, ...




... “Nindou sapo ahandi adükari bogorindi  
nimarifondi-wami amaru asu Sipsip Nimori amboani  
ranahafanimbo munguambo ai  
hihifimbirihü-piramboane  
adükari ndüreimb-anafani  
mbiseiyei-amboane ahafanimbo  
hihifi-hihifimbeyei-amboane  
asu ai nginindi  
mbisowandifand  
-amboane,”  
masei.




Asu himboyahünda Godindi ngoafi simbori  
Serusarem ranai, sapo nimorehi anamindühifembo  
ahandi anamindi rani-sowahi homboyaho haya  
rawefeyo nou yahurai refe-haya God sowahindi  
tüküfe makosowa hoeimariheandi.


Bogorindi  
nimari-fondi-mayo  
ranambeahindi  
hoafi puküna  
hoafimayowa  
himborimayahi.




Yare hoafiyowohü yahoya, “Himboriyei! Godindi  
wori hapoana nindou-babidimbo anango!  
God ai nindou-babidimbo nünguhü asu ahandi  
nendi-ndeimboyei. God ai ahandihoari nindou  
rani-babidimbo  
anüngu  
animbo  
asu ai ahei  
Godi-ndümbui.”



Raniyu asu sünambeahindi nendi-mayu ranai hoe afindi yangiri ningombo nimindi ra wambo nafuimayundiri. Hoe ra himboarambe mupui fori wakireandeimb-ane. Hoe ranana sapo God asu Sipsip Nimori ranahafandi nimari-fondi-mayo ranambeahindi tüküfe hayamboyo ngoafi nafi bogori rani mbusümondühi mafoero ho.



Ŋgoafi raniwami hüfihamindi amoamo  
ahafandi si ra ŋgiri boakiboadneandi sapo Godindi  
himboamupuimbo-randeimbi si ranai ŋgoafi raniwami  
boakimafoareandi ranimbo-wambo. Asu Sipsip Nimori  
ranai-ani ŋgoafi ranahandi  
ram hai nou-ayu.




Ŋga nine-moatükunɪ moaruwai-ayo, asu  
yikoarifo hohoanimoyo-randeimbi asu  
wosihoafori hoafiyo-randeimbi,  
munɔuambo ranana  
ŋgiri ŋgoafi ranambe  
keboehi ŋgei. Sapo  
Sipsip Nimorindi  
koadürümbo  
niŋgombo buki-mayo  
ranambe ahei ndürɪ  
pamareandürɪ  
ai-yanɔgiranimboke-boehi  
ŋgüsimboyei.




“Ai nindou ranahei  
himboarambeahindi  
arani-himboaho gedüherümbui.  
Rananimbo yifimbo hohoanimo,  
asübusi, arani asu ngusüfo  
afindi kife hohoanimo ra ngiri  
tükündifeyo. Sapo ranana  
horombodidi moatükuni  
awarihoaimb-ane,” meho.




Asu nine-moatükunî God ai ranahambo moaruwai-ane  
ehu ranana ngirî ngoafi ranambe yagodo. Nga God  
asu Sipsip Nimorî ahafandî adükarî bogorindî  
nimarî-fondî ranî yangirî yagodoanî asu Godindî  
ratüpurîyei rihündeimbi  
ai ahambo  
hohoanimondeihî  
ngusüfo  
pandihorimboyei.




Rananimbo asu ahandi ngusümboari  
Hoeindihi-mboyei asu ahandi ndürü ra  
ahei giribodi hamindifihi sürü pande  
hiningindeambui.




Raniyahi asu himboyahünda yifiyeimbi nindou  
ndüreimbi asu ndürü-koateimbi ranai bogorindi  
nimari-fondi hangifoani burimayeiya  
hoeimariheandüri. Raniyo asu buk  
bidifiri ranai boare haya kurümayo.  
Asu yangiri ningombo buk amboani  
boare haya mengoro.




Raniyo asu yifiyeimbi nindou burimayei ranaheimbo  
nine-moatükunî ramarihinda sapo buk kurümayo  
ranambe sürü pefemarandi rani simogodühi aheimbo  
papi-hoafi ranai tüküme Feyondürî. Nindou didiyei ahei  
ndürî sapo yangiri ningombo buki-mayo  
ranambe paiari-koate-ayo ana, nindou  
ranaheimbo wafusüroho  
hai mahoro ranambe  
pimareandüra  
mahanei.



Yifiafi Aboedi ai Sipsip Nimorindi nimorehi rani-dibo  
hoafiyafehü safeya, “Se mborai sinifi,” masafe. Nindou  
düdi himborinduhü ana, hoafinduhü animboya,  
“Se mborai sinifi,” mbüsu.



Nindou düdi ai amindaniṅombonduhü ana,  
mbüsünü-wamboane. Nindou ai hoe simindimbo  
hohoanimoayu ana, ai sünü yangiri niṅoweimbi  
hoe ra moani mbüsümündu-wamboane.



God ai nimori  
mamümbiyu  
hayamboyu nimorehi nindowenihi hifi  
ndanihü aniboadei ranaheimbo ngusüfo  
pareandürühiyu asu ahandi nimori mami  
ra hifina koamartherü. Nindou mungu  
didiyei ahambo anihondümbo-arihori  
ai ngiri awandihendi, nga  
koadürümbo-koadürümbo  
nimboeimboyei.



### Rom 3:23

Wani, nga nindou munguambo moaruwai  
hohoanimo-yeimboanei asu mbumundi  
sürühoeimbi hohoanimo God ai siaoayu ra  
mbonimbo-rihümündimboanei.

### Rom 6:23

Ŋga moaruwai hohoanimo ra ahandi  
ratüpuriei-rihündeimbi ahei ratüpurü süngu rani takini  
sagadüri arandi, sapo takini ra ai yifi hohoanimo ranane.  
Ŋga asu God ai moani sihefimbo sai arandi ahandi moani  
saimbo moatükuni ra sapo yangiri koadürümbo ningombo  
ranane, sihefi Adükari Sisas Kraisindi süngu.

### Hibru 9:27

Munguambo nindou moani mamimbo-animbo awi yifiyo  
mburümbo asu süngunambo God ai yibobondeambui.



## Efesus 2:8,9

Se anihondümbö-marĩhind-amboyu asu God ai ahandĩ  
hĩpoambofena aboedambo-mareandũrĩ. God ai moani  
masagadũr-ane siheimbo, ŋga siheihoari moai  
rani-moatũkuni ra rarihindĩ. God ai moai se aboedi  
ratũpuri ramarihindĩ raniĩmbo hohoanimoyuhũ  
aboedambo-reandũrĩ. Raniĩmayo-wamboane, asu  
ŋgĩrĩ se siheihoari raniĩmbo borĩndei.

## Rom 10:9,10

Se sihafi yafambenambo weindahĩ yaro hoafiyafihũya,  
'Sisas ai wandĩ Adũkar-ani,' safĩ mbura, asu sihafi ŋgusũfo  
ranambo God sapo Sisasiĩmbo yĩfihũndĩ botĩmariri  
ranahambo anihondümbö-arowandĩ ana, se  
aboedambo-ndafoamboyafi. Ŋga sihafi ŋgusũfoambe  
anihondümbö-riwandani God ai nindou mbumund-anafi  
yahuhaya asu sihafi yafambe ranambo weindahĩ  
hoafiyafani God ai aboedambo-ndeanĩĩmbui.



## Son 3:16,17

God ai nĩmori mamũmbiyu hayamboyu nĩmorehi  
nindowenihi hifi ndanihũ aniboadei ranaheimbo ngusũfo  
pareandũrũhiyu asu ahandi nĩmori mami ra hifina  
koamaritherũ. Nindou mungu didiyei ahambo  
anĩhondũmbo-arihori ai ngiri awandihehindi, nga  
koadũrũmbo-koadũrũmbo nĩmboeimboyei. God ai ahandi  
nĩmori hifina koamaritherũ ra ai kosi nindou  
yibobore-randeimbi nahurai hifihũndi nindouyei hohoanimo  
yibobofemboyupoani. Nga rananimbo munguambo  
hifihũndi nindou ai ahandi sũngu aboedambo-mbeahinda  
yahu hayamboyu koamaritheira makusu.

## 1 Son 5:11-13

Godindi anĩhondũ hoafi nda: God ai sihefimbo  
ramareamuna sihiri gedũhi yangiri nĩboademboyefi. Nga  
yangiri nĩngombo ra Godindi Nĩmori ai nĩmindih-ani.



Nindou Godindi Nimori-dibo anüngu ai gedühi yangiri  
nüngumbui. Nga nindou ai Godindi Nimori-dibo  
ningokoate-ayu animbo, ai gedühi yangiri  
ningokoate-ndümbui. Se Godindi Nimorimbo  
anihondümborihori-rihündeimb-anei, siheimbo  
hoafi nda sürü paparihandi. Se gedühi yangiri  
niboadeimboyei ra fifirimbi-rithinda  
sahehea sürü paparihandi.



Son 14; 2 Korin 5;  
Weindahifembo. 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Angor Bible (agg) © 2001, Wycliffe Bible Translators, Inc.  
All rights reserved.

<https://live.bible.is/bible/AGGPNG/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

